

ՐԱԿԱԳՈՒԹՅԱՆ ԷԹՆԻԿ ԿԱԶՄԸ ԵՎ ԷԹՆԻԿ ՊՐՈՑԵՍՆԵՐԸ ԵՐԵՎԱՆՈՒՄ
1724—1800 ԹՎԱԿԱՆՆԵՐԻՆ

Մ. Մ. ԿԱՐԱՊԵՏՅԱՆ

XVIII դարի առաջին քառորդի վերջին բուն Երևան քաղաքում բացարձակ մեծամասնություն էր կազմում հայ բնակչությունը: Ըստ Աբրահամ Երևանցու հաղորդման, թուրք զավթիչների կողմից Երևանի պաշարումից անմիջապես առաջ ճորիստոնէքն իւրեանց պատրաստութիւն տեսին. Փարայքար մին գեղ այ. Գօգումբեթ մին գեղ այ, Կայվակերգ մին գեղ այ, Յառինջ, Յավան, Դավան, Ջագ, Նորայգեղն, բովայդակ այս գեղերիս մարդն մտել ի քաղաք. այս գեղերուս մարդն կամ քաղաքի մարդն կամ գեղերի մարդն միայրոցեան, բովանդագ եղան ամենեքեան, որ պատվական բան այս¹: Բուն քաղաքի և շրջակա գյուղերի հայ բնակչությունը թուրքերի դեմ դուրս էր բերել 9423 մարդուց բաղկացած աշխարհազոր, որը կարողացավ մոտ 3 ամիս դիմադրել թշնամուն²: Զորքերի տեղաբաշխումից կարելի է մոտավոր պատկերացում կազմել քաղաքի թաղամասերում բնակչության տեղաբաշխման մասին: Համաձայն Աբրահամի վկայության հայկական զորքը ըստ թաղերի բաշխված էր հետևյալ կերպ.

ԲՃԼԴ (234) հոգի-բոշաներ, պահպանում էին «Խ(40) ջաղացի ճանայպարն»,

ԳՈ (3000) հոգի-Ձորագյուղից, պահպանում էին Մակ-քար կոչվող վայրը, [?] հոգի-Կոնդից, պահպանում էին «Դաբախանի ճանայպարն»,

ԹՃՄԵ (955) հոգի-Ջուհայրենց թաղից, պահպանում էին «Դարբինոցի ճանայպարն»,

ԴՈ (4000) հոգի-Հին Երևանի (Շհար) թաղից:

Ընդամենը 8189 հոգի: Այս թվի և ընդհանուր զորաքանակի տարբերությունը բացատրվում է նրանով, որ աշխարհազորի մնացած մասը տրամադրել էր քաղաքում ապաստանած գյուղական բնակչությունը:

Այս զորաքանակից բացի, ըստ Աբրահամի, բուն քաղաքում հաշվվում էին ևս «ԽԼԻ (28 000) արայկան եւ իգական, որ անպէտ են»³: Այսինքն քաղաքի և այնտեղ ապաստանած շրջակա ութ հայ գյուղերի բնակչությունը միասին կազմում էին մոտ 40 հազար մարդ, որի գրեթե կեսը, ամենայն հավանականությամբ, պետք է կազմեր քաղաքի մշտական բնակչությունը:

Աբրահամ Երևանցու աշխատության մեջ առաջին անգամ տեղեկություններ են հանդիպում Երևանում հայ բնակչության կողքին բնակվող մեկ այլ էթնիկ խմբի՝ արդեն նստակեցության անցած փոքրաթիվ միաբնակ գնչուների (հայ բոշաներ) մասին: Ըստ վկայության «Կոնտի թաղ կասեն, որ հարիւր տուն

¹ Աբրահամ Երևանցի. Պատմութիւն պատերազմացն 1721—1736 թուի. Ցառաքան, բնագիր, խմբագիր օրինակ եւ ծանոթություններ, պատրաստեց Հ. Ս. Ժեմէլեան, Վենետիկ, 1977, էջ 28, հմմտ. էջ 102:

² Երևանի հայ բնակչության հերոսական ինքնապաշտպանության մասին տե՛ս Ա. Միրզոյան. Երևանի 1724 թ. հերոսական պաշտպանությունը թուրքական զավթիչներից.—ՀՍՍՀ ԳԱ «Տեղեկագիր» (հաս. գիտ.), 1953, № 3, էջ 89—98, վ. Մ. Մարտիրոսյան. Անդրկովկասի ժողովուրդների համագործակցությունը և Երևանի 1724 թ. պաշտպանությունը.—«Պատմա-բանասիրական հանդես», 1965, № 2, էջ 187—191: Նույնի՝ Հայ և վրաց ժողովուրդների համագործակցությունը ազատագրական պայքարում (XVIII դարի 20-ական թվականներ). Երևան, 1971, էջ 143—150: Թ. Խ. Հակոբյան. Երևանի պատմությունը (1500—1800 թթ.). Երևան, 1971, էջ 71—95: Հայ ժողովրդի պատմություն. հ. 4, Երևան, 1972, էջ 156—158:

³ Աբրահամ Երևանցի, էջ 28:

բոշայ կա, քրիստոն մեծ իշխանք, գանձայ տեր բոշէք»⁴, որոնք հայերի կողքին հերոսաբար մասնակցեցին Երևանի ինքնապաշտպանությանը: Չանդրադառնալով Երևանում նրանց հիմնվելու հարցին, նշենք, որ այս և այլ վկայություններ ցույց են տալիս, որ արդեն XVIII դարում նրանք ոչ միայն նստակյաց էին, այլև մեծ մասամբ (համեմայնդեալ՝ դավանապես) հայացած: Սիմեոն Երևանցին, նկարագրելով Երևանի խանության վանական կալվածատիրության պատկերը XVIII դարի երկրորդ կեսին, որպես Երևանի Անանիա Առաքյալի վանքի վիճակ ներկայացնում է «զԱռինչ և զամենայն Բոշայից ազգն»⁵: Նույն կաթողիկոսի օրոք, Երեմիա Օշականցի նոտարի ձեռքով կազմված էջմիածնի նվիրակության թեմերի ցուցակում ևս Անանիա Առաքյալի վանքի թեմն ընդգրկում էր «Առինչ, բոլոր բոշայքն»⁶:

Աբրահամ Երևանցու մի հաղորդումից կարելի է հզորակացնել, որ քաղաքում հայ ազգաբնակչության կողքին ապրում էր նաև որոշ թվով մահմեդական բնակչություն: Քաղաքի ինքնապաշտպանական մարտերի սկզբում Երևանի Մեհրաբի խանի հրամանով «քաղաքի թուրքն եկավ քրիստոնի մէջն մտավ, կռիվ արին օսմանցուն հետ՝ մինչ ի Կ(60)օրն»: Սակայն թուրքական զորամասերի կողմից քաղաքի ինքնապաշտպանության առաջին իսկ ճեղքումից հետո պատմիչն արձանագրում է. «Տաճիգըն փախավ մտավ բերդի մէջն, քրիստոնէն մնաց ի քաղաքի մէջն», «զորանից հետո մարտերը տեղի էին ունենում «օսմանցուն» և «քրիստոնէի» միջև: Տվյալ հատվածներում «թուրք» և «տաճիգ» տերմինները պատմիչի կողմից օգտագործվել են դավանանքային նշանակությամբ և նշանակում են մահմեդական: Պատմական այս երկի խմբագրված օրինակում, կատարված Մատթեոս Եվդոկացու (1691—1772) ձեռքով, նույն հատվածը ընկալվել է հետևյալ կերպ. «Եւ սոքա էին միայն հայք, քանզի պարսիկք ընդ իշխանի քաղաքին փախուցեալ ի բերդն ամրացան եւ զհայսն թողին յանպարիսպ քաղաքի անդ մարտնչիւ»⁷:

Խանի ու շիա աղանդի մահմեդական բնակչության այս դավաճանական քայլը Երևանի ու նրա բնակչության ճակատագրի նկատմամբ նրանց ունեցած փաստական վերաբերմունքի արտահայտությունն էր: Ավելորդ չէ հիշել, որ դեռևս 1723 թ., վախենալով ռուսական առաջխաղացումից, Երևանի մահմեդական բնակչության տիրող դասի որոշ ներկայացուցիչներ դրսևորում էին բացահայտ թրքամետ դիրքորոշում: Պետրոս դի Սարգիս Գիլանենցի հաղորդմամբ 1723 թ. «Տարեանայ Բ(2)աղայ վեր ան կացել՝ Արզրմու փաշին գրել ան՝ թէ ինչ էք նստել, զուք էլ էք թուրք, մեք էլ: Էն որ մենք Ըռուստի ձեռն ընկանենք, ձեր ձեռնումն լինենք՝ լեվ այ. ժամանակս էս այ՝ վեր կացէք. եկէք՝ քաղաքս զաֆտեցեք և Ըռուստն թողու մեք՝ որ քաղաքս մտի»: Եթե հետագա ուսումնասիրությունները ցույց տան, որ այս հատվածում «թուրք» տերմինը չունի դավանանքային իմաստ, ապա այն պետք է համարել Երևանի թյուրքալեզու բնակչության էթնիկ ինքնագիտակցության մեզ հայտնի առաջին դրսևորումը⁸:

⁴ Նույն տեղում, էջ 26:

⁵ Սիմեոն Երևանցի. Չամբու. Վաղարշապատ, 1873, էջ 293:

⁶ Դիան հայոց պատմութեան. գիրք Գ, Սիմեոն կաթողիկոսի յիշատակարանը, հրատ. Գ. Ծ. Աղանենցի. Թիֆլիս, 1894, էջ 804: Սիմեոնի կողմից Անանիա Առաքյալի վանքին ուղղված կոնդակներում հասցեատերը նշվում է հետևյալ կերպ. «ՀԱՐԻՆՉ ԳԻՂԳ ԵՂԵԱԼ ԲՆԱԿԱՆ ԳԵՕՂԱԿԱՆԱՅԳ, ԸՆԴ ԱՄԵՆԱՅՆ ՏԵՂԻՍ ԳՄԱՆԵՑԵԱԼ ԲՈՂՈՐ ՕՐՀՆԵԱԼ ԲՈՇԱՅԻԳԴ, ՄԵԾԱՅ և ԿՈՔՈՆԵՑ, արանց և կանանց» (տե՛ս Մաշտոցի անվ. Մատենադարան (ՄՄ), կաթ. դիվան, թղթ. 244, վավ. 273, հմտ. Դիան հայոց պատմութեան, գիրք ԺԱ, Սիմեոն կաթողիկոսի յիշատակարանը, մասն 3 (1777—1779), յանդիմանումով եւ ծանօթութիւններով հրատ. Գ. Աղանենց. Թիֆլիս, 1913, էջ 252): Բնական Առնեցեոյ և բոլոր բոշայիցդ, մեծագ և փոքունցս արտահայտությունը կրկնվում է նաև Ղուկաս Կարնեցու նոնդակներում (տե՛ս ՄՄ, կաթ. դիվան, թղթ. 243, վավ. 79):

⁷ Աբրահամ Երևանցի, էջ 25, 31, 101:

⁸ Ժամանակագրութիւն Պետրոս դի Սարգիս Գիլանենցի.—«Կոռնէկ հայոց աշխարհին», Տրփ-Լիս, 1863, § 101, էջ 135: A priori այն այդպես է դիտվել երկի ռուսերեն թարգմանչի կողմից

Գրավելով քաղաքը, թուրքական զորքերը կազմակերպւած սպանդից բացի գերում են նաև «10 հազարից ավելի ընտանիք»⁹։ Քաղաքի գրավումից մի քանի ամիս անց, քաղաքից «աման» խնդրելուց հետո, սեպտեմբերի 22-ին¹⁰ հանձնվում է նաև բերդը, որի պարսկական կայազորը, խանը և որոշ պաշտոնեւորներ թուրքերի լույսավորւթյամբ հեռանում են Պարսկաստան։

Քաղաքում թուրքերի կազմակերպած սպանդը, գերեվարութլւոնները և բռնի մահմեդականացումները պատճառ դարձան բնակչության թվի կտրուկ նվազումն։ Հետեյալ կերպ է նկարագրում Աբրահամ Երևանցին այդ գործողութլւոնները. «Այնչաբ յարուն թարեց, որ Զանկու ջուրն կամրայծառեց, յարունայ հոտն ի մէջ քաղաքէն կը բուրէ, ողորմելի քրքիստոնէքն բովանցուլ օսուրն քաշեցին, ոչ մնաց քրիստոնայ. անմեղ արդարներն գերի վարեցին, կուս աղչիքունքն ջրում խեղդեցաւ, այսչաբ գերի գնաց ի ձեռն օսմանցու։ Գերիքն լեցւեց օսմանցու շատիրներն... Եղաւ պղծութլւոն, անօրէնութլւոն...»¹¹։

Երևանի գրավումից մեկ տարի անց թուրքերի կողմից որոշ միջոցառումներ ձեռնարկվեցին իրենց ձեռքբերումները հաշվառելու համար։ Վերջերս բուլղարական արխիւներում հայտնաբերված Երևանի բերդի 1724—1725 թթ. ելիցմտից մատյանը (դեֆթեր-ի մուկաթիաթ) գալիս է վկայելու օսմանյան օկուպացիոն իշխանութլւոնների՝ նվաճված երկրամասերում վարած հարկային քաղաքականութլւոյան հարստահարիչ բնութլւոյնը¹²։ Բավական է միայն նշել, որ Երևանի գանձատան վրա էր դրված Երևանի, Էրզրումի, Վանի, Թբիլիսիի, Գորիի, Լոռու և այլ բերդերի ենիչերական բերդապահ կայազորների ռոճիկների բաշխման պարտավորութլւոյնը¹³։

Համաձայն այդ մատյանի տվյալների օսմանյան իշխանութլւոնների կողմից առաջին հարկման ժամանակ Արարատյան երկրում բաժանվել են շիդիայի (գլխահարկ) 14317, իսկ երկրորդ հարկման ժամանակ՝ 28138 թերթիկ¹⁴։ Բնա-

և տվյալ հատվածը թարգմանվել է «мы турки и вы турки» ձևով (տե՛ս Дневник осады Испагани афганами, веденный Петросом ди Саргис Гиланенци, в 1722 и 1723 годах. Материалы для истории Персии, перевод и объяснения К. Патканова. СПб., 1870, с. 38, § 101)։ Ավելի զգուշ են վարվել Գիւանենցի աշխատութլւոյան անգլիկէն թարգմանութլւոյն մեջ. «You are Turks (Muslims) and so are we» (The Chronicle of Petros di Sarkis Gilanentz, concerning the Afigan Invasion of Persia in 1722, the Siege of Isfahan and the Repercussions in Northern Persia, Russia and Turkey. Translated from the original Armenian, and annotated by Caro Owen Minasian, With an Introduction and additional Notes L. Lockhart, Lisbon, 1959, p. 47)։

⁹ Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, թարգմ. ներածութլւոն, ծանոթագրութլւոններ Ա. Խ. Սաֆրաստյանի. հ. Ա, Երևան, 1961, էջ 143։

¹⁰ Բերդի գրավման օրը Աբրահամ Երևանցին չի նշում։ Վ. Հակոբյանը այդ բացատրում է նրանով, որ քաղաքի բնակչության համառ դիմադրութլւոնից հետո Երևանի բերդի հանձնումը թուրքերին ոչ միայն խնդիր չէր, այլև Աբրահամ Երևանցու համար նշանակութլւոնից զուրկ մի ակտ, որովհետև այն տեղի ունեցաւ քաղաքի նվաճումից ավելի ուշ՝ մի շարք բանակցութլւոններից հետո և կամովին» (տե՛ս Վ. Ա. Հակոբյան. Ժամանակագրական մի փաստի ճշտման ջրուրդ.— ԶՍՍՀ ԳԱ «Լրաբեր հաս. գիտ.», 1974, № 5, էջ 79)։

¹¹ Աբրահամ Երևանցի, էջ 31։ Օսմանյան զորքերի վարագութլւոնների մասին Գրիգոր Բաղիշեցին 1725 թ. գրում էր. «Բազում շարիս գործեցին յերկրի եւ սպանումն բազում եղև, եւ անթիւ գերի վարեցան՝ ի քրիստոնէից եւ այլազգեաց։ ...Եւ աճապարմելի առեաճ ճեղումն եղև» (Մայր ցուցակ հայերէն ձեռագրաց Մատենադարանին Մխիթարեանց ի Վենետիկ. հ. Գ (Մաշտոց-գիրք ձեռնագրութլւոնեանց), յօրինեցին հ. Բարսեղ Սարգիսեան եւ հ. Գրիգոր Սարգսեան. Վենետիկ, 1966, էջ 594)։

¹² Հ. Գ. Փափազյան. Սոֆիայի Կիրիլ և Մեթոդի ժողովրդական գրադարանի օսմանյան, դիվանական վավերագրերը.— «Պատմա-բանասիրական հանդես», 1984, № 3, էջ 201։

¹³ Նույն տեղում, էջ 200։

¹⁴ Նույն տեղում, էջ 200, 202։

էանարար, ջիզիայի հարկման մեջ ներգրավվել են հայ շափահաս (16-ից մինչ 60 տարեկան), համապատասխանարար՝ 14317 և 28138 մարդ։ Ցավոք, մատնանում ջիզիայի վճարման վերաբերյալ տեղեկությունները, որոնք կարևորագույն աղբյուրներ են բնակչության էթնոգրաֆիկական կազմի ուսումնասիրման համար, իրարից չեն առանձնացնում բուն քաղաքը, բերդը և ողջ նահանգը և դրանով էլ զրկվում ենք քաղաքի էթնովիճակագրական պատկերը վերականգնելու հնարավորությունից։

Թուրքական այս ռազմականմանը շուտով վերջ գտեցին Նադիրի անդրկովկասյան արշավանքները, որոնք թուրքերին դուրս մղեցին ողջ Անդրկովկասից։ Պաշարումից հետո հանձնվեց նաև Երևանի թուրքական կալազորը և 1735 թ. սեպտեմբերի 22-ից հավետ վերջ տրվեց Երևանի թուրքական գրավումներին։

Թուրքական թեկուզ կարճատև (1724—1735). բայց կործանարար ռազմականումը, նրանց փոխարինելու եկած պարսկական իշխողների հարկային և տնտեսական քաղաքականությունը, երկրամասում տիրող ծայրահեղ լարված վիճակը կործանել հետևանքներ ունեցան ինչպես ողջ Արարատյան երկրի, այնպես էլ Երևանի բնակչության աճի վրա։ Ուսումնասիրողների կարծիքով, նման կտրուկ անկումից հետո Երևանի բնակչությունը XVIII դարի երկրորդ կեսին նոր միայն հասավ 15 հազար մարդու¹⁵։

Այդ գործում կարևոր նշանակություն ունեցավ նաև պարսկական իշխանությունների վարած հարստահարիչ հարկային քաղաքականությունը։ Բավական է նշել, որ բնակչության հարկման նպատակով XVIII դարի երկրորդ քառորդում աշխարհագիրներ անցկացվեցին 1725, 1728, 1734¹⁶, 1742¹⁷, 1752¹⁸ թթ.։ Հարկային դաժան քաղաքականությունը (սեյդաբեյի ղեկավարման ժամանակ)՝ 1730-ական թթ. սկսված սովը, շրջահատվող պատերազմական գործողությունները կործանիչ ազդեցություն ունեցան բնակչության բնական աճի վրա ինչպես գավառում, այնպես էլ Երևան քաղաքում։ 1743 թ. գրած իր հիշատակարանում Միմենի վարդապետը (սյրկերեն Արարատու, ի քաղաքէն Երևանու) ստիպված էր արձանագրել. «Ի ներ քանեաց ամացս ութն շահ փոխեցան՝ մին զմիւսն սպանանելով եւ զտեղին յաջորդելով. մտածեա թէ որքան իցէ լեալ վնասք ի հեծելազորացն սոցա եւ երկիրն որպէս իցէ ոտնակոխ լիալ հանդերձ գերեւաւորութեամբ, թող զսրամաշ եւ զսովամաշ լեալսն, իսկ զփախստեայսն ո՞ր թուեսցէ. գրեթէ երկիրն Պարսից եւ Այրարատեան ամայի եղեալ»²⁰։

1730—40-ական թթ. Արրահամ Կրետացի և Ղազար Ջահկեցի կաթողիկոսները գերագույն ջանքեր գործադրեցին Արարատյան երկրի հայ բնակչությանը

15 А. Р. Иоаннисян, П. Арутюнян. Армения.—В кн.: Очерки истории СССР. Период феодализма. Россия во второй половине XVIII в., М., 1956, с. 738.

16 Հստ Միմեն Երևանցու դեռևս 1734 թ. Նադիրը տի հայրապետութեան Տեառն Արրահամու Թրակացույ, զգործակալս, այսինքն զմիմենիդս հանէ յամենայն երկիր գրել յուրաքանչիւր գաւառի, քաղաքի և գիւղորդից զհասսն և զհարկսն արքունական։ Յորմէ և կարգեցաւ յերկրիս Երևանու Միրզա-Քեհազում անուն ոմն գլխավոր աւանիկ վէթիլ և միրվէիզ վերոգրեալ գործոյն» (Ջամբու, էջ 143)։

17 Վրաց պատմիչ Պապունա Օրբելիանին հիշում է, որ 1742 թ. ջա՛նը սերեք հազար թու՛ման պակսեցրեց երկրին, վրացու հարկը գիշեց, իսկ հային... կրկին ծանրաբեռնեց, (Վ. Մ. Ս. ի ք ս ե թ-Բ ե կ. Վրացական աղբյուրները Հայաստանի և հայերի մասին. հ. 9, Երևան, 1955, էջ 117)։

18 Եւ ի հազար երկու հարիւր երկու թուոյն (իմա՛ 1752 և ոչ՝ 1753) մերում, և ի ՌճԿէ տաճկաց թուին, ի յիշխանութեան Ազատ խանին, և ի Հայրապետութեան Մինասայ Ակնեցուն, դարձեալ միրվէիզք ելանեն յերկիրս ի գրել զհասսն և զհարկսն երկրիս, Միրզա-Պապի կոչեցեալ ոմն և ալլք ընդ նմա» (Ջամբու, էջ 148)։

19 Նույն տեղում, էջ 147։

20 Յուցակ հայերէն ձեռագրաց Մատենադարանին Մխիթարեանց ի Վիեննա, կազմեց Յ. Տա՛րեան. Վիեննա, 1895, էջ 957։ Հմտ. նաև «Արարատ», Վաղարշապատ, 1888, էջ 159—159։

սպանություններից, գերեվարություններից զերծ պահելու համար: Երբ Նադիրը հրամանով հորասան պետը է քշվեր Թբիլիսիից ու Արարատյան երկրից 300-ական տուն ազգաբնակչություն, Աբրահամ Կրետացուն հաջողվում է (3000 սոմար ցորենով և 3000 թումանով) կանխել թբիլիսցիների բռնագաղթը: Սակայն կաթողիկոսի իսկ հաղորդման համաձայն Արարատյան աշխարհից գաղթեցվող 300 տուն բնակչությանը փրկելու համար «ոչ եղև հնար»²¹: Ուշագրավ է նաև, որ Նադիրը Մուզանի դաշտում իր թագադրության ժամանակ իր խաներին հայ գերիներ բաշխելիս բոլորին տվեց, բացի հրևանի ու Արարատյան աշխարհի ներկայացուցիչներից²²: Սակայն Աբրահամին ու հայ մելիքներին հաջողվում է փրկագնումով ազատել մի մեծ խումբ գնդերների, որոնք ուղարկվեցին Արարատյան երկիր²³:

Ի հաշիվ Արևմտյան Հայաստանի տեղափոխության Արարատյան աշխարհի հայ բնակչության ստվարացման համար եռանդուն գործունեություն ծավալեց Ղադար Զահեդի կաթողիկոսը: Փաստաթղթերը վկայում են, որ 1740-ական թթ. սկզբին նրա ջանքերով մեծ թվով հայություն «Երևանից ու Քրդստանից» տեղափոխվել են բնակվելու էջմիածնապատկան և Նախիջևանի շրջանի մի շարք գյուղերում (Զահուկ և այլն)²⁴:

Արևելյան Հայաստանի, այդ թվում նաև Երևանի բնակչության աշխարհագրության մեջ նոր խոշոր փոփոխություններ տեղի ունեցան 1730—40-ական թթ. կապված երկրամասում ստեղծված ռազմաստրատեգիական նոր իրադրության հետ: Թուրքական կողմում գտնվող բնակչությունը, լքանկանալով հայտնվել սպասվող ռազմական գործողությունների շրջանում, հաճախ զանգվածորեն գաղթում էր Արևելյան Հայաստան և Երևան: 1738 թ. փետրվարի 25-ին Իրանում ռուսական ջոկատոս Ս. Արապովը արտաքին գործերի հանձնաժողովին ուղղված իր զեկուցում հաղորդում էր. «Из Карсу многие жители в разные места бегут и в персидской город Иревань»²⁵. Միայն նրա տեղեկատվի («купец армянин из турецкого города Азрюма») ուղեկցությամբ Երևան են անցել մոտ երկու հարյուր հայ ընտանիքներ²⁶: Նույն տարվա մայիսի 1-ի զեկուցում Ս. Արապովը հաղորդում է Թուրքիայից 6 հազար տուն քշվող «արարների ու քրդերի» տեղաշարժի մասին, որոնց Ադրբեջանի սերսակեր Իբրահիմ փաշայի թույլտվությամբ բնակեցնում են «на степи около Ире-вани»²⁷:

21 Աբրահամ Կրետացի. Պատմութիւն, քննական բնագիր. Թարգմ. առաջաբան և ծանոթագրություններ Ն. Կ. Դորդանյանի. Երևան, 1973, էջ 71: Հմմտ. Ս. Տեր-Ավետիսյան. Նադիր Շահի արշավանքները (ըստ Հակոբ Շամախեցու). Երևան, 1940, էջ 44:

22 Նույն տեղում, էջ 123:

23 Նույն տեղում, էջ 132—134, 136 և այլն:

24 ՄՄ, կաթ. դիվան, թղթ. 1գ, վավ. 376 (պարսկ. բնագիր, 1741 թ.): Հակոսակ Երեսին Ղազար Զահեդու ձեռքով ավելացված է. «Շահի տված ռազման է՝ որ թէ ես յայլ տեղեաց ռաեախ՝ բերել տամ՝ ի սուրբ էջմիածնի գեօղս՝ և կամ ի ճահուկ՝ ոչ որ չխօսի (հմմտ. նաև կաթ. գրվան, թղթ. 1գ, վավ. 379): Ղազար Զահեդու հաղորդմամբ հայ լուսավորչականների տեղափոխումը և բնակեցումը Զահուկում փրկեց գյուղը ոչ միայն համատարած կաթոլիկացումից, այլև՝ հետագա մահմեդականացումից. «Բայց ի դեօղաքաղաքին ճահայ եղեալ ախթարմայքն ոչ դարձան ի կրօնս պարսից վասն ազգիս միաբնակաց որ զեօտեղեալք եմք ի միջի նոցա» (Ղազար Զահեդու Գրք. աստուածաբանական որ կոչի Դրախտ ցանկալի. Կ.—Պոլիս, 1735, էջ 334):

25 Армяно-русские отношения во втором тридцатилетии XVIII века, сборник документов. Т. III, Ереван, 1978, док. 77, с. 110.

26 Նույն տեղում, էջ 110—111:

27 «1738 г. мая 1.—Донесение С. Арапова в Коллегию иностранных дел о переселении курдов и арабов из Турции в Ереванское ханство» (նույն տեղում, վավ. 80, էջ 114): Քուլտրների իսկ հաղորդմամբ «еще идет оных в Иревань на житье ис турецкой области с пятьдесят тысяч домов». Միմեռն Երևանցի ևս նույն ժամանակով է թվագրում

Նադիրի իշխանության վերջին խառնակ տարիներին մի քանի արշավանքներ եղան Երևանի ուղղությամբ, բայց նրանք քաղաքի բնակչության էթնիկ կազմում նոր փոփոխություններ առաջ չբերին: Անհաջողության է մատնվում նաև Նադիրի Ամիր-Ասլան զորավարի արշավանքը Երևանի վրա 1747 թ., երբ «Երևանի ժողովուրդը Նադիր-շահի կողմից իրեն արված զանազան առաջարկներին հավանություն չի տվել և մերժել է, դուրս դալով հնազանդության սահմանից՝ ապստամբություն է բարձրացրել, իրենից սերբերդե նշանակել և ամրացնելով Երևանի բերդը, կովի պատրաստվել»²⁸: Հստ թուրք պատմիչ Իզզիի այս արշավանքը անհաջողության է մատնվում, քանի որ «քաղաքի ժողովուրդը, Երևանի համար կյանքը զոհելու պատրաստ, սկսում է կռվել և պատերազմել»²⁹: Ավարառության նպատակով 1749 թ. Երևան են արշավում Ղարաբաղի ինքնահռչակ Փանահ-խանի հրոսակները, որոնք, ըստ ժամանակակիցի հաղորդման, Երևանից և էջմիածնից «многое число скота и есыря отогнали»³⁰:

Նկարագրվող դեպքերի կապակցությամբ հարկ կա քննարկելու բուն քաղաքում դավանանքային ու էթնիկ համայնքների հարաբերակցության հարցը: Եթե քաղաքի քրիստոնյա բնակչությունը էթնիկապես միատարր չէր (հայեր, հայ բոշաներ և այլն), ապա առավել բարդ էր Երևանի մահմեդական բնակչության էթնիկ կազմը: Բուն քաղաքում մահմեդական տարրի գոյացման աղբյուրներն էին.

ա) Երևանի շիա խաների կողմից պարբերաբար կազմակերպվող բնակչության բռնագաղթերը, որոնց հետևանքով քաղաք էր տեղափոխվում որոշ թվով մահմեդական բնակչություն, անգամ՝ սուննի աղանդի:

բ) բերդում եղած պաշտոնեությունն ու կայազորի անդամների աստիճանական հոսք դեպի քաղաքային տարածք³¹.

Քողերի մուտքը Արարատյան երկիր. «Յաուրս Նատրշահին մանաւանդ, յորժամ սոյն քիւրտքս դաւին լերկիրս յայս, կանօնաւորապէս տուրքն նոցին էր, թէ թագաւորին և թէ տեղւոյս խանին, ԳՃ (300) թուման, և կամ ԳՃԿ (360) թուման» (Դիւան հայոց պատմութեան. գիրք Գ, էջ 268, հմմտ. էջ 293, 194—195, 267—269): Արարատյան երկրում քողերի հիմնավորման մասին տե՛ս նաև Զ. Դ. Փափազյան. Երևանի Մուհամադ-խան ղաջարի՝ Միրզա-աղա սիպկին և Ահմադ-աղա դիւանին շնորհած աղայության հրամանագրերը (XVIII դ.).—Մերձավոր և Միջին Արևելքի երկրներ և ժողովուրդներ, 13, Քրդագիտություն. Երևան, 1985, էջ 272—283:

²⁸ Թուրքական աղբյուրները, հ. Ա, էջ 199:

²⁹ Նույն տեղում, Հստ Պապունա Օրբելիանու վկայության «Ամիր Ասլան-խանն եկել էր մեծ զորքով և Երևանում էր գտնվում, ամեն օր տեղի ուներ թնդանքների և ուժերի հրձգություն, սակայն ոչ մի բանով Երևանի բերդին չվնասեցին» (Վրացական աղբյուրները Հայաստանի ու հայերի մասին. հ. Գ, էջ 122—123):

³⁰ S. S. Армяно-русские отношения, т. III, док. 172 («21 декабря 1749 г.—Совещение С. Киреева о событиях в Закавказье»), с. 239. Երևանցիները օգնության են դիմում զրաջ Հերակլ արքայազնին, որի զորքերը, հետապնդելով ավարառուներին, սպանում են Փանահ-խանի եղբորն ու որդուն: Փաստաթղթում թալանված գույքի ու գերիների վերադարձնելու մասին ոչինչ չի հաղորդվում:

³¹ Կ. Կուցիան, վկայակոչելով Սիմեոն Երևանցու «Ջամբուղ» (ուսանքն հրատ., էջ 181, 259), հավաստիացնում է, թե Երևանում և նրա արվարձանում (") ապրում էին աղբերջանցիներ, թուրքեր, պարսիկ մահմեդականներ (տե՛ս Ժ. ԶԱԿԱՅԱՆ. Նախնական օրոգիականություն XVI—XVIII საუკუნეებში. თბ. 1976, გვ. 14): Սիմեոնի «Ջամբուղ» վկայակոչված հատվածներից առաջինում խոսվում է մուլքերի առուծախի մասին կաթողիկոսի և այնպիսի Այաս-լու հասաուլ Հաբիպէկ կոչեցեալ տաճկի միջև Երկրորդ դեպքում խոսվում է «Հաճի-իմամ-դուլի որդի Հաճի-Մահմադ-Քարիմէն» 3 հնձանի գնման մասին Երևանում Աստվածատուր Համադանցու կողմից: Երկու վկայակոչումների դեպքում էլ ուսումնասիրողի մոտ նկատելի են հետևյալ վրիպումները. 1) «Ջամբուղ» համապատասխան հատվածներից, առանց լրացուցիչ փաստաթղթեր բերելու, անհնար է հաստատապես պնդել թե տվյալ անձինք քաղաքում էին ապրում, թե՞ բերդում, 2) առանց լրացուցիչ նյութերի, հենվելով միայն բերված անվանական տվյալների վրա, հնարավոր չէ անսխալ վերականգնել նրանց էթնիկ պատկանելությունը: 1815 թ. գրված մի փաս-

զ) Երևանի խանների կողմից հովանավորվող առանձին մահմեդականների (թյուրք, պարսիկ, քուրդ և այլն) տեղաշարժ և հիմնավորում բուն քաղաքում կամ բերդում³²։

դ) էթնիկ պրոցեսները³³, որոնց հետևանքով բուն քաղաքի քրիստոնյա բնակիչը, խզելով իր կապերը քրիստոնեական եկեղեցու հետ, ժամանակի ընթացքում անջրպետվում էր իր դավանակիցներից, դրանով հանդերձ՝ նաև լեզվակիրներից և աստիճանաբար համալրում քաղաքի մահմեդական (պաղսկալեզու կամ թյուրքալեզու) բնակչության շարքերը։ Եթե մեզ հայտնի չեն քաղաքում քրիստոնյա բնակչության նահատակության դեպքեր, ապա աղբյուրներում քիչ չեն հիշատակությունները քաղաքում առանձին անհատների (հատկապես ունևոր դասից) կողմից մահմեդականություն ընդունելու վերաբերյալ։

Այս գործում հատկապես խթանիչ դեր էր խաղում Ղզլբաշական Իրանում գործող «Իմամ Ջաֆարի օրենքը», որի համաձայն մահմեդականություն ընդունած նախկին քրիստոնյան իրավունք ունեն լիովին ժառանգելու իր քրիստոնյա ազգակիցների ողջ ունեցվածքը, անկախ ազգակցականության աստիճանից³⁴։ Այն փաստը, որ եվրոպական աղբյուրները այս օրենքի գործունեությունը և «նոր մահմեդականների» («հադիդ-ու-իսլամների») առաջացումը բացատրում են օրինակ բերելով միայն հայերին (եթե որևէ հայ մահմեդականանա...), վկայում է, որ օրենքն ընդունվել էր հիմնականում Իրանի ամենամեծ քրիստոնեական համայնքի՝ հայերի դեմ³⁵։ XVII դարի կաթոլիկ միսիոներ և Իրանի խոշորագույն գիտակ Ռաֆայել դու Մանր արձանագրում էր, որ «այս մաքիմվիլիական հայտնագործությունը շատերին էր հրահրում սխալ քայլ կատարել իրենց ունեցվածքը փրկելու կամ այն ուրիշների ունեցվածքի վրա չավելացնելու համար»³⁶։

Այս ու նման տիպի այլ տնտեսական լծակների ազդեցության տակ մահմեդականություն ընդունած հայերի թիվը փոքր չէր նաև Երևանում։ Դեռ 1632 թ. հուլիսի 2-ին Երևանից գրած իր նամակում կաթոլիկ գործիչ Պ. Փիրոմավլին

տաթըթում Երևանի «նորագիւղ ասացեալ վայրոջ» իր այգու մէկ տախտակը ու. Գեղարդին է նվիրում «Երևանու շահրցի Մութավէլի Ալլաաշուքուր կոչեցեալ»-ը «վասն վաղաթառամ որդւոյն... Գալուստի» (տե՛ս Կալվածագրեր և տնտեսական այլ գործարքների վերաբերյալ արխիվային վավերագրեր, պրակ 1, առաջաբանով, ծանոթագրություններով և բառարանով կազմեց Հ. Արրաւմյան. Երևան, 1941, էջ 102—103)։ Տվյալ դեպքում միայն անձանունից դատելով հազիվ թե կարելի էր եզրակացնել, թե նվիրատուն ազգությամբ հայ է։

32 Օրինակ, XVIII դարի կեսերին Երևան տեղափոխվեց խանության սահմաններ մուտք գործած քրդական ցեղերի վերնախավի այն հատվածը, որը ազգակցական կապեր հաստատեց Երևանի խանի հետ (տե՛ս Դիան հայոց պատմության. գիրք Գ, էջ 194—195, 267—269, 293 և այլն)։

33 էթնիկ պրոցեսների մասին տե՛ս Ю. В. Бромлей. Очерки теории этноса. М., 1983, с. 233—282. Ցավոք, սովետական ազգագրագետների աշխատանքներում չի քննարկվում այդ պրոցեսների ընթացքը միջնադարում և, ըստ էության, հրապարակի վրա չկա պրոբլեմի վերաբերյալ որևէ տեսական աշխատանք։

34 Օրենքի պաշտոնական ձևակերպումը տե՛ս XVII դարի 20-ական թթ. Երևանի Շարի կողմից տրված ֆեթվայում (Հ. Փափազյան. Սեֆյան Իրանի ասիմիլյատորական քաղաքականության հարցի շուրջը.— Բանբեր Մատենադարանի, № 3, 1956, էջ 89—91։ Մատենադարանի պարսկերեն վավերագրերը, 1, Հրովարտականք. պրակ երկրորդ (1601—1650 թթ.), կազմեց Հ. Դ. Փափազյան. Երևան, 1959, վավ. 16, էջ 101—103)։ Այն համառոտ արտահայտված է հետևյալ ֆրազում. «Եթե կա մահմեդական ժառանգ, անհավատները (այսինքն՝ քրիստոնյաները—Մ. Կ.) ժառանգությունից զրկվում են»։

35 Տե՛ս, օրինակ, Տավերնիեի, Շարդենի, Ռաֆայել դու Մանի, Պետրոս Պետիկի, Գ. Շինոնի, Պուլեի, Պիքեի, Սանսոնի աշխատությունները։

36 *Estat de la Perse en 1660*, par le père Raphaël du Mans, supérieur de la mission des capucins d'Ispahan. Publiée avec notes et appendice par Ch. Schéfer. Paris, 1891, p. 47.

կասեցվեց ալ օրենքի գործադրությունը, սակայն գործնականում այն կոռուսթյան մեջ սնաց ընդհուպ մինչև XX դարի սկիզբը:

Չնայած էթնիկ պրոցեսները զգալիորեն խաթարում էին քաղաքի էթնիկ դիմապատկերը, ամուսնամանիքի հայերը շարունակում էին սնալ քաղաքի գերակշռող տարրը: Այսպես, 1769 թ. հունիսի 14-ին, վրաց Հերակլ Թագավորը, որին հարկատու էր Երևանը, քաղաքի մասին հագորդում էր հետևյալը. «Город Эреванъ, губерния состояла пред сим армянского владения, столичной город, ныне правитель—персидкой губернатор... народ поселен много армянского закона...»⁴⁶. Այս վկայությունից մոտ 15 տարի անց նույնն էր վկայում նաև Արևելքում ֆրանսիական դիվանագետ Ֆերիեր-Սոլրյոֆը. «Արվարձանը (jauxbourg), որն ավելի մեծ է քան քաղաքը (ville), ընկեցված էր արհեստավորներով ու հայերով. վերջիններս (այսինքն՝ հայերը—Մ. Կ.), որոնք Երևանը դիտում էին որպես իրենց հայրենիքի մալրաքաղաքը. կազմում էին բնակչության մեծ մասը»⁴⁷:

XVIII դարի վերջին քաղաքի էթնիկ կազմում նոր փոփոխություններ տեղի չունեցան, չնայած տարածքը գտնվում էր պատերազմական գործողությունների շրջանում: XIX դարի սկզբի աղբյուրները (Կլապրոտ, Զոնսոն, Դյուպրե, Պոտտո և այլն) գալիս են վկայելու, որ քաղաքում շարունակում էր գերակշռող սնալ հայ էթնիկ տարրը:

ЭТНИЧЕСКИЙ СОСТАВ НАСЕЛЕНИЯ И ЭТНИЧЕСКИЕ ПРОЦЕССЫ В ЕРЕВАНЕ В 1724—1800-х ГОДАХ

М. М. КАРАПЕТЯН

Резюме

В этническом составе населения города Еревана в XVIII в. не произошло крупных изменений по сравнению с XVII в. Согласно источникам XVIII в. абсолютное большинство населения города составляли армяне. Наряду с армянами с начала XVIII в. в городе фиксируется малочисленная (около 100 домов) этническая группа цыган-монофизитов (армяне-боша), которые вместе с армянами героически отстаивали Ереван в период турецкой оккупации в 1724 г. Пестрым был этнический состав мусульманского населения города. В результате этноконфессиональных процессов в городе появляется сравнительно крупная группа мусульманизированного армянского населения. Гарнизон крепости состоял в основном из тюрок, армян, персов, курдов и др.

վաղ. 144: Պարսիկներն փաստաթղթերին ծանոթացնելու համար շտորհակալություն ենք հայտնում Հ. Դ. Փափազյանին:

⁴⁶ Грамоты и другие исторические документы XVIII столетия, относящиеся к Грузии. Т. I, с 1768 по 1774 год, под ред. А. А. Цагарели. СПб., 1891, док. 198, с. 434.

⁴⁷ Mémoires historiques, politiques, et géographiques des voyages du comte de Ferrières—Sauvbeuf, faits en Turquie, en Perse et en Arabie, depuis 1782, jusqu'en 1789. T. I, Paris, p. 259.